

Novoimenovani visoki predstavnik Schmidt stigao u BiH



Novoimenovani visoki predstavnik Christian Schmidt stigao je jučer sa porodicom u Bosnu i Hercegovinu. Po dolasku je posjetio manastir Tvrdoš kod Trebinja i Blagajsku tekiju.

G. Schmidt je izrazio divljenje prema bogatom kulturnom naslijeđu Bosne i Hercegovine. Istaknuo je da se samo kroz zajedničke napore i posvećenost cijelog društva, te uz podršku i pomoć međunarodne zajednice, Bosna i Hercegovina može vratiti na put napretka i zaustaviti značajan odliv mlađe populacije.